



開

卷

易

卷

之

治

者

至

朝

之

間

三

載

代

不

行

不

行

不

行

不

行

陶學士先生集卷之二

七言古詩

送易知事并引

易彥昭南陽人蚤游京師試太常掾遷長秋陞
太平路知事位在郡幕亞總六曹之綱贊一府
之治任亦重矣其性情寬和不為峭絕之行不
取皎卓之譽法行而政舉郡府賴之閱三載代
者至為詩以志別焉詩曰

青山之陰江之濱郡城晏然民俗淳使符煌
來貴臣幕府贊畫多佳賓君兮冰雪為精神中

原人物何彬上臥龍岡頭月如銀清氣鬱蟠鍾
在人壯游燕巖登要津聲光上徹天之宸宗桃
禮制得具陳長秋佐政功不湮恩袍綠映宮柳
春袖中勅旨如絲綸上承侯伯諧同寅所喜境
內無譁囂清風吹遠案牘塵芙蓉香冷波粼上
水天紅光日吐晨乘馬上府參朱輪繭絲歲賦
五百鈞十四萬石米滿困省命督集毋擾民屢
嘉勞績超等倫溪樓峯峦連翠旻風烟俯此盃
中醇歡騰棣萼榮蒸上咲看佳兒雙玉麟忽聞
書考去志伸棗陽別野毋遂巡願言壽分堂上

親願言顯要早置身綵衣輝映金魚新

送夏弘叔并序

入粟拜爵之令始於秦而盛於漢唐權宜應變
以佐國用間有異才出乎其中若張釋之卜式
黃霸皆以資登即選晁錯有言爵者上之所擅
出於口而無窮粟者民之所種生於地而不乏
其意有由然矣至正甲申中原饑饉天子恤民
阻饑賑以府廩全積循漢唐舊以爵募粟由是
夏弘叔任巡檢於草市弘叔雖長富室自處欲
然其父負夫延師家塾以教之遂涉經傳屬文

哦詩精琴操良於翰札焉草市隸今天臨路志
稱其地有舜遺風人多純朴王黃州碑謂瀟湘
為洙泗荆湖為鄒魯弘井巡警茲土保安居民
清肅闔境乃其所能今將泝江流浮洞庭南抵
於湘潭瞻衡嶽望五嶺以據其文氣以耀其武
備有日矣其鄉儒師林達之錢彥良造予門持
縑軸求文為贈遂述其事系詩於左云

洞庭之南雲陽墟祝融靈峰照天衢青衫萬里
游炎都戎韜小試羅兵艾草市聚落鱗瓦鋪駭
此警邏來文儒當塗名家千里駒椿陰如雲庭

屢趨毫端春葩五采敷光掩金壁珊瑚珠宅鄰
橫望高鬱紆三十六朶青芙蓉幡然應詔發廩
諸穰上白粲連樛輸贏民含哺旋昭蘇勅書褒
寵金章朱碧湘秋澄冰玉壺宦途南逐鴻飛迂
花村月夜驚吠無笳鼓聲起茲攘逋仰瞻玉帳
金虎符繡斧飛霜悲兔狐塵閑官舍窓日晡嶽
雲緝翠烟模糊長沙酒香呼木奴醉眠琴榻紅
氍毹載雲旗兮飈控車蘭轂桂醕招三閭咸池
音杳龍尾徂湘妃鼓瑟懷蒼梧客鄉哦詩不可
辜寫入瀟湘八景圖

送秦君用并序

秦為當塗著姓豐裕累世君用祖若父皆敦良
確慎氣無驕盈習無縱逸可謂富而仁者也君
用得繼承之道家法尚儉於周卹困餒無靳焉
乃歲當闕逢涖灘齊魯燕晉饑朝廷遣使分道
賑民聽入粟者拜官君用遂發儲積方舟以載
浮于江達于淮選部注寶慶踞新化縣蘇溪巡
檢君用赴官而南其地隔大湖邈在邊徼雜夷
粵之倍然閭居族聚火耕水耨者皆國之赤子
樂生惡死性所同也攘竊弗寧豈其心哉由綏

之寡術導之不素衣食匱而禮教無聞幾何其
不相胥而犯法也雖嚴於事果足以盡禦暴之
方乎余嘉君用應詔不違敬也施惠於遠義也
仕而效勤忠也既富而仁其善又如是宜有以
華其行故作詩以送之詩曰

萬山丹翠浮楚天熊蹲龍奔隱雲烟長沙零陵
相後先一水走碧雄濱川地饒黍稷麻麥田瘠
不為癘暑不煎蘇溪僻境民受屢蜂屯魚貫紛
牽連草荒公廨屋數椽鼓角聲撼天南邊秦君
下馬藍袂鮮官閑晝永如神仙令嚴兵伍采棒

懸平蕪月白犬熟眠出自富家真象賢寶視經
書唾視錢平生周急心所便况乃募粟綸音宣
堯湯曾遇水旱愆從古有饑無此年聞之殊覺
心惻然我發我庾實且堅瓊糗滿載江上船順
流不日經淮堧鵲形久病成甦痊報以美秩天
官銓御煤香濕黃錦戔手彈冠塵理腰纏春風
溪亭飛柳綿銀箏侑酒喧離筵帆開水驛弓控
弦洞庭浪噴蛟魚涎巍峯隱七飛鴈旋岸口迓
卒森戈鋌峒猺怙伏無警傳滿簾日色薰蘭茝
公田飯飽跨錦鞯入城為訪濂溪泉

菊泉并序

菊能輔體延齡根莖花葉皆可服或曰南陽酈
縣有甘谷菊生被崖大菊落水得其滋液泉為
甘馨谷人飲而上壽辨者曰諸花之根唯菊淺
露水源既遠香豈由菊設使以花得香不過秋
冬之交爾夫水甘淡鹹苦各因其源安知無菊
味者故酈泉之芳匪因菊變予嘗折衷其事以
謂地產宜菊則精英之氣流通土脉與水相感
古法季月採以上寅春曰玉英夏曰容成秋曰
金精冬曰長生是精英之氣無間於四時若大

菊落水與辨者之說或未然也番易黃德輔業
醫號曰菊泉訪余求詩余亦感其善療賦詩寓
意以菊泉之德歸之不專美於物焉詩曰
中央氣和連混茫金精共鍊秋花黃靈根綿絡
澗谷旁真英聚入幽泉香山百卉不敢芳日
華月魄涵銀潢冷然入勺風露涼乾坤甘滋流
肺腸山人童顏壽且康七十八十猶云殤番峯
老叟醫師良何曾足跡游南陽情甘隱逸與世
忘澹然迹踈紅紫塲心淵澄瑩波不揚濯纓不
必求滄浪舊家留得軒岐方刀圭奇驗清膏盲

設開千古金匱藏丹蟠龍昂芙蓉光垂亡者存
弱者強惠澤及物何可量此菊生意盈藥囊此
泉味比醍醐長所願仁壽均八荒隘彼酈潭居
一鄉飄七霞佩雲錦裳携兒過我登溪堂是時
東籬天雨霜寒豔照水金輝煌授我寶訣期榮
昌神舍內完絕外戕身輕儻可八翼翔蓬萊弱
水天風剛

李氏孝義并序

甚矣天道付畀之重不可失也秉彝義理之良
心萬善從出人具有之良心之存莫大於仁也

良心之發莫切於親也人以眇然之躬配天地
三才而異於物者此也予雖不識李良夫聞其
孝薦於親義周於族推其仁而有序其母宮氏
令德貞節類古烈女良夫幼失父長而造行不
群母訓有素也予念夫孝義之實根於良心也
孝義之名足以勵俗也故樂道其事傳曰仁者
必有後尚綱果以文學顯天將豐報於後人尚
源也嗚呼懿哉乃作詩曰

魯之為國多秀民禮教遺俗醇乎醇中有孝子
全性真務學唯先厚天倫骨肉之愛始自親厚

我能施睦宗媼母氏派出虞公臣秉節操心異
丁人夫也竟終閭幕賓江東客途孤愴神歸家
奉舅顏和閭舅兮不知兒隕身不將臉照桃花
春栢舟為誓甘苦辛燈窓課讀勤績紈漸見四
子英姓上重闈鶴髮餘九旬孫枝滿眼皆儒珎
盈門弦誦延縉紳簞笈遠至咸循上表厥宅里
墨榜新光映岱嶽黃河津良也孝義蓋有因積
善有報禎祥頻後賢思齊世蹈仁河嶽久長能
與鈞

徒氏世德并引

徒氏出自姑孰徙居漂上三世矣仲清通國字
音聲為姑孰學錄館穀于其從祖家予嘗識仲
清之父彥和及其兄伯淵今見行卷諸作則知
徒在漂者多文士予視之尚鄉鄰也為述世德
詩竊取比而賦之義爾

青山昔年有鳳凰移巢中山瓊樹蒼鳳凰凌雲
去渺茫鸚鵡驚遺族皆文章金玉為羽錦繡腸渴
飲河漢吞奎光中有一雛在高岡衆目爭光覩
嘉祥噤^上幾聽鳴朝陽音如重譯流宮商出林
沐浴雨露香思歆聞韶舞巖廊振翮一飛回故

鄉翩然照影姑溪旁一朝瑞采生我堂驚看異
物來何方撫此靈質詢其詳乃匪物也人之良
手探詩軸出錦囊始見一家文氣昌姪姪昆弟
翰墨場鯨鳴玉奏聲鏗鏘我聞君家世德滅天
降百福紛穰^上若祖從吏華飛霜狴犴生死分
毫芒彼何人斯怙富強虎吞無辜如犬羊父子
誣服情可傷獄成忍使膏鉗銜獨以智識燭姦
猖確言當庭折巧簧暮夜萬緡投賄賊厲聲正
色麾門墻渠魁首實無遁藏一鞠服罪甘斧戕
官民共喜寃疑彰不矜不伐如尋常野服歸隱

享壽康無心雲路騰飛黃階除續紛五色裳玉
樹競秀芝蘭芳我識彦和温且莊伯淵積學真
賢卽仲清筵羽鶴鷺行欲見其餘猶未嘗溪窓
烟月琴在林寶坊教席松風涼客來烹茶當酒
腸飩炊紅粟藿為漿鳳兮鳳兮千仞翔覽德而
下情悠長聽歌此詩非楚狂飛上太清朝玉皇

廣陵揚節婦

堂上舅姑嗟老苦膝下兒啼未能語孤鸞何心
鏡中舞綠鬢年才二十五甘旨供餘勤鞠撫舅
姑歡顏兒飽乳誓有一心無二主本欲同歸九

原土手拋粉黛獨紉組燈照空幃淚如雨菱居
守義能自許觸目艱難不憂沮夫天寒潤幾寒
暑兒有文章輝藻翻竹西綺羅炫綺午翠箔朱
簾闌嬌嫵五方雜借日殊古貞烈無聞世何補
人秉德天賦與乃以三從鑄肺腑春官旌名真
盛舉共看光采生門戶丈夫明理蹈規矩鬚眉
蒼仁本翹楚為臣不幸遭險阻忠國立身當審
處爵祿才猷輕一羽大節或虧何足取嗚呼大
節或虧何足取不及閨中賢婦女

題柳如菴小影

當塗之黃池人宋神醫
也有可用方於世

如菴神醫妙天下後來安有如翁者我恨生晚
不識翁形神已落丹青寫漆瞳雙炯雪鬚疎豐
頷童顏意瀟洒丹臺玉室本仙流藥聖驚人自
天假宛陵翁季人中龍相見情懷即傾瀉家藏
醫書千種餘竒論名方歸取舍宛陵乃吳正甫
公其子履齋
退菴家藏醫書甚
多如菴因得遍閱硝黃用少參苓多指點孫常
聞見寡烏紗籠髮青霞衣何心朝服金犀鏤蹇
馱緩策引新駒何心雲路如龍馬舉頭自有天
為鄰富貴於吾猶土苴一筇一笠相隨處入眼
溪山總幽雅僕夫喜色望歸塗落日池濱炯萬

瓦黃池一六丁下取可用方造化荒上入吾把
三彭勦除清不寐霜杵聲中剔紅炮丹砂鍊養
艷金卷玉露精英挹瓊笋高情追逐羲皇人豈
特餘功及尻深還君此圖三嘆息兩袖天風颯
秋野

陶培之中堂試詩送其歸

硯池斗墨飛雲煙樓前迅灑春容篇主司撫卷
賞才美况乃奧學窮先天江蛾雲際蟬黯然忽
看翠展雙嬋娟川靈錯愕感齒錄詞情飄逸如
謫仙天上文光現斗躔旗鈴佳信人間傳便當

秋香分老桂瑤臺玉宇飛翻上大府侯伯爭下
賢酌酒賓墀豐俎籩簪卷小作杏園宴贈以文
錦榮歸旋雨冷湖軒夜如年聖賢心法宜精研
少年高科古所戒勿為利祿情拳上

送文元祭游學杭城

錢塘繁華甲天下雨霽湖山翠如畫朱樓人醉
綺羅春緜帙誰諳燈火夜一時見君真拔倍千
里尋師遙稅駕生長富貴厭膏粱雋嚼經書如
膾炙采鳳鳴陽出丹穴蒼隼凌秋飛太華柏垣
繡斧風烈存椿府屏車光寵亞名賢奕世妙有

傳赤箭南金貴無價閉門功比螢雪勤入室氣
與芝蘭化自喜高懷孤月朗頗厭辯口懸河瀉
詞林驚見爛春葩聖田待獲豐秋稼寸心莫逐
汗漫場萬里當會神明舍客中昆弟共綢繆歲
杪杯盤聊慰藉胥濤海口撼風霆吳阜城心起
臺榭蓮衣紅映歌艇筵柳絲青拂鈿車帕遞令
此志生靈惑何異無知歸罟獲直湏意氣慎交
遊而况習倍多浮詐策勲行矣當盛年展卷浪
然了清暇詔書今日科制復文星徹曉光芒射
相期才器擢明廷早植棟梁成大厦春風吹上

杏花枝天衢飛鞚青雲靴

經歷張景中泮橋觀蓮索賦

幕中自有紅蓮香愛蓮還復臨泮庠石梁臥波
虹影蒼水花晚色留繩床掀髯笑語雲錦鄉對
此不覺炎敲忘誰言姿容如六郎安知君子之
德芳紅者不妖羞倩粧白者冰玉生輝光綠雲
為蓋霞為裳亭上何畏乎驕陽夢魂不落繁華
場若耶游棹西湖觴玻璃在處碧滿塘何為獨
愛依宮牆願逢知己為發揚便欲乘風歸帝傍
先生才猷贊黃堂有如下頃陂汪心通幹直

意緒長案塵不染清如霜蓮之淨植可比方倚
欄駐目聊徜徉話中題品衆美彰無為心苦綠
玉房藻芹助喜翠欲翔菁莪樂育仍相望清芬
送客將昏黃秋隨短袂天風涼

贈趙道昭

十五載前曾識君壯哉詞氣凌青雲十五載後
復相見頃覺中年鬚髮變人生嘉會苦不多江海
茫茫奈別何清宵懷人耿予獨目送老月飛銀
河東風鼓棹姑溪上乘興敲門一相訪竒言縷
縷驚座人包括周天衆星象知音者稀誰與論

倦持寶瑟立齊門幾見杏苑紅雨落歲寒梅雪
又黃昏天借片時談笑共追憶後前恍如夢鴈
聲落枕促登途馳穩衝曉霜蒼重我別中山不
記年為我訪問藍橋泉一朝當路有知者相見
恨晚毋歸田

吏者于姓考滿贈

隆古治具在典墳申韓刑名漲妖氛漢章唐律
有定制斷以明決輕重分云何吏曹昧大體往
往刀筆煩其文世道日降事貪刻天性敦厚頗
見君高門陰德有餘慶子孫愈遠揚清芬當今

簿書出身者置之要路隆爵勲况子才氣能出
群得祿可不煩耕耘明時需才意甚勤誰甘白
屋老無聞乍看奇驥騰青雲且聞瑞鳳鳴朝昕
金陵郡府隸臺閣蒼柏霜雪寒零上後容幕下
出片語案牘叢中能解紛鄱山迎客翠蛟舞金
芝佳氣蒸氤氳錦袍詩仙招遠遊荒城烟雨江
之濱朱門祭戟牧守貴咲撫白璧生餘欣客窓
雞聲梅月曙官庭燕語槐風薰幾多勞事咲談
了群工歛手觀郢斤歲月苒苒憶桑粉回視舊
穴喧飛蚊方知宦海渺無垠驛亭別酒成微醺

送劉生仲孚

當門一帶溪流奔左為青山右天門蒼林隔市
祕亭館滿天清氣曾平吞牙籤鱗動書萬軸古
鼎香烟晝凝馥父子兄弟自師友天倫至樂其
家獨世踞黃塵飛不到理窟游心在深造雲間
桑梓隔重湖艇子如飛波浩止劉生有三兄皆
好學能文侍親

居姑孰本
漂水人

至正戊子下第南歸與同貢黃章仲珍雷

燧景陽同舟仲珍賦詩因走筆次韻

鳳城酒美燕姬歌禁卷紅飄金水河雨香翠島

春晝暖魚龍陸海揚風波天門咫尺到不得柰
此颺摧雲翼何時乎未至應有待壯年不必傷
蹉跎君看松柏成大材應歲雪霜誰見過拂衣
南出指歸路回首京闕山嵯峨日高原頭紅霧
散潮平沽口青銅磨牽船泝流狂吹逆登車避
鬧飛塵多黃樓憑河遠眺望身如冥鴻超網羅
客塗笑語浣羈思詞鋒捷出如揮戈天生人才
必用世豈無文藻宣金科鸞臺鳳閣揔華要不
然玉署聯鳴珂丈夫小挫未為辱正氣耿々非
有它匣中古硯助神變銅蟾飽水手屢摩隨身

亦有勲業鏡依然照我顏色酖與君今日動高
興買酒共酌澆天和

途中懷古述事再用前韻

太風掃空垓下歌昔年分爭纔隔河鴻門酒酣
赤帝子回首四海流恩波臺荒戲馬春草綠美
人一去傷如何匹夫豈是萬人敵事業不競空
蹉跎山川靈傑千古在石洪奇險勞經過半天
危樓兩蘇迹蒼烟粉堞猶巍巍我輕舟卸帆傍堤
泊老劍出匣臨流磨長篙蘸碧接淮浦驚喜江
南鄉景多杯餘吟嘯無旌况筆戲萬象光森羅

英雄過眼俱寂寞幸際斯世休干戈同行佳友
得豪儁俯視餘子當殊科咳唾隨風絮珠玉冠
蓋有日鏘環珂立身志節當自許紛々富貴皆
後它譬如野雀匪凡鳥翅輪入雲高憂摩喜君
氣岸亦孤峻厭見小妾桃顏酖我歸拜舞為親
壽萱花香裏春暉和

五月旦日與黃仲珎雷景陽酌於惟揚抵
暮出城曉至瓜洲有懷同貢金景蘭姚仲
誠周于一林元凱相約不至更次韻為別
以寄拳々之餘意

蕩舟竹西聞好歌飄如仙槎泛銀河青樓傍市
捲朱箔舞裙綠皺如春波香消紅藥采鸞去其
如青鏡寂寞何金盤露清筍牙白小住半日非
蹉跎雪乳泉甘醒午醉瓊花霧散與客過吹簫
玉人杳然逝橋亭拂柳空我上櫓聲帶晚出城
去初月光吐新鐮磨梅天雨歇黃潦漲瓜洲渡
近青山多我懷初歸有髦士金姚學富精蒐羅
閩南周林師友盛未見入室操吾戈賦妙能追
司馬聖策高反黜劉蕡科荆門有約久未至回
望不見玲瓏珂黃君雷君吟嘯共瀟然行李餘

無它客途分襟心暫苦詞場秉筆肩還摩江流
如黛送孤棹離觴不辭顏易酡佳哉璞玉常見
遇肯使抱恨同下和

送石仲方詩 并序

昇秦淮之南有庠舍突然新麗者江東書院也
郡書院四曰明道南軒昭文皆先賢遺迹或老
屋腐垣勞於補葺或基構庫隘與編戶等或貧
無歲入乏祭養之資獨江東後興棟宇堅完丹
堊炳炫崇嚴靚深不勞於補葺而無庫隘之嫌
貫粟出納豐儉適宜祭養有給是乃郡士仁齋

王君之創造而草廬吳先生之所規制也始長
教者四明程氏敬叔以考亭讀書法啓誨後覺
文風大振近歲石仲方來長教事恪恭厥職剛
介不阿優禮賓師招徠弟子負析理厚倫建樞
星門礮石購材革質得宜宮墻改觀過者見而
生敬矣程氏去官二十餘年獨見石君如此初
君諭晉陵創造廟學糾錄京口泮宮代庖學事
復沒產數千畝今江東考滿將典郡教益當弘
敷聖謨鍾鳴鐸徇轟曠警迷其功必有過於斯
矣告別歸毘陵遂酌之酒而為之歌曰

延陵季子之舊邦林麓秀鬱泉流淙文物萃美
如瑤玕隱居未許慕老龐涵潛理海心在腔書
帷永夜挑燈缸去家不遠觀大江江邊龍虎盤
洪厓秦淮抱城駕石缸精舍丹碧臨奔瀧莫言
無筆長如柱文詞力健鼎可扛論堂考鼓醒愚
憇法言浪上金石擬上窺鄒魯驅雜吮異學不
敢操戈鏖子衿環拱心自降取友必端戒羿逢
飛觴談咲月在窓川后屏息無從上榻前松竹
翠羽幢雪點吟鬢秋蓬雙豸府薦譽聲如撞酌
別纜繫堤柳椿俸米載歸紅滿缸迎門喜動花

陰朮沂河北上乘舩艘天街雪晴馳駿駝

題張源相辛巳試院唱和詩卷

其年源相為對讀官

仙凡相去咫尺間弱水隔斷蓬萊山鵠袍星散
夜色皎寒隨天風生佩環簾動波紋燭影閑寶
兔噴落紅霞斑三場校對時有暇咳唾珠玉遺人
寰我賦浙江徒手還丹桂可望不可攀後來戰
藝始得儁南宮轉覺功名慳大省銓衡新檄頒
金陵邂逅生歡顏得錢沽酒慰岑寂時出險句
驚神姦袖携衆作無可刪故人各已登朝班見
君此卷動餘興行間臚唱開天關

送徒伯淵

城心官帑楮代錢聚於山積流於泉納舊出新
日萬千市人四合爭欲先中山才子吏律研述
來筦庫廉而虔意氣能與長貳聯太史平準操
微權寶貨滿眼衆所便衆是凡夫君是仙坐令
美利散列屢民得資財俱懋遷飛塵障紅炎日
煎紵袍雪色風翻七斯人本為儒者賢舊家出
自姑溪邊祖有陰德冤獄滿子孫三世居漂川
過庭能以詩禮傳出有車馬食有田族中文物
紛蟬螞橋陰滿屋墳麓宣淵兮吟詠三百篇青

春舉莘生雲烟往歲過我圭華前歛襟拱袖忙
投鞭示我以文長滿牋繁然藍玉淮夷蟻齋窓
清話共俎邊論情繾綣久乃旋別來在苒知幾
年忽然邂逅錢塘頃我時南游北赴燕子方戰
藝雄戈鋌大江潮頭高沃天捲簾樓望吳兒獵
柳陰涼浮茉莉筵東陽官酒西湖蓮六橋雨霽
山蜿蜒銀蟾照影秋娟上人生離合亦可憐回
首異路心茫然蹇余萬里行役牽意撥科名蟻
慕羶陸走齊魯諸山巔冰雪積冷砭重綿都城
宮闕雲霄連兩見黃榜光魁躔春風三月紅杏

妍金門咫尺登無緣歸來空室如磬懸索居懷
友情拳匕三湖東隔漲碧漣五鳳樓閣凌虛玄
幾欲夜棹訪戴船携家就祿依寒糴金陵聚首
喜欲顛惠我畫扇漢隸鐫始知從吏拋槩鉛捧
檄正為雙親全故山在望歸興遄墻角短檠毋
棄捐丈夫有志鐵硯穿未可斲方皆就圓聖經
萬古日月懸妙道浩匕何淵匕經濟功用彌八
埏學之有要業必專窮達用舍所守堅不曰富
貴浮雲然

送易德輝

金鴉噴火炎塵紅晝長兀居圖史業有客過我
如清風忽驚秋涼生坐中詞瀾分得西江雄少
年旅游江以東缺歌聲斷囊未空自喜知己多
名公吟邊點染物態工鳳臺烟雨山空濛綠鬢
曉映青鏡銅出門路與雲海通翩然野鶴超樊
籠便欲獻策明光宮夜夢慈親淚兩瞳更有祖
庭垂白翁迢七千里心有忡寄書不見南飛鴻
林臯一葉飄梧桐飛雲在眼催歸蓬到家問安
瀕瀕充重整香芸辟蠹虫翠筠繞屋聲玲瓏直
節珎材無與同截玉上獻妙有功協律不下嶰

谷箏一吹瑞鳳降碧穹再吹三吹和氣融四吹
五吹年穀豐六吹成奏帝德崇終于九奏四海
唐虞隆

送張學正一并序

國初徵用儒雅在位者舉其所知故起自草澤
拔居侍從林立相望共建太平之基逮元貞大
德間布衣被薦猶得登翰監司儒臺典郡教厥
後限以資格受命者寡然四海髦俊雲翕闕下
思效能于時者益衆或遇舉主則又板學官於
行省亦可小試其才矣漢留侯苗裔曰源相者

居信之龍虎山嘗觀光京師其所交游多大官
名人言路條其行能交薦于臺事聞中書傳檄
江浙行省署為學官歷台州奉化學正調金陵
源相盡董正之責其德剛而方其儀肅而安諸
生望輒畏敬月有書季有考凡廟祀之脩庖饌
之供與有力焉至於挺身特立抗論公道不為
物所撓不為勢所惕尤人難能今考滿矣使其
在國初或元貞大德時則受薦不止為卑官必
能接武諸賢吾不得而高下之也於是賦詩為
別其詩曰

天星執法環太微選仙上界霜濺飛先生面帶
虬虎威五色文燄騰燕畿使過先朝名必輝共
佐鴻業高巍上旅游經年塵滿鞵輦路遙望交
龍旂固宜從橐趨彤扉不然玉堂依紫微白雲
飄翻傷遠違捧檄又作江南歸霞城凌空堆紺
緋當窓芹浪香菲上秋宵官燭照棘圍對讀詞
義無訛非甬東學舍垂絳幃誦絃成風人具依
貳教昇泮忘輕肥館下弟子英而頎酒邊掀髯
筆屢揮爛如銀河雲錦機屋頭鍾山鬱烟霏踈
樞月色窺金微功勤頻絕竹簡韋坐令秦淮如

泗沂柏垣羣公鷹隼翬謂此美績前所稀卷中
試藝觀珠璣一朝話別生歎歎自憐寸草承春
暉有祿及養猶庶幾還家未容隱釣磯驛驢雲
路行駢上應身顯秩榮親闈秉璋更舞媵爛衣

齊山吟

齊山在備之開化先生
學尚晉徐氏家也

徐卿結屋齊山陰邀我為作齊山吟浙江以東
古甌越諸郡環境山嶽峯三衢峯巒甚巍麗旁
走石麓猶千尋虬昂虎矯蒼骨老奔若馬騰飛
若禽山多草木虫獸品亦有玉札丹砂金松根
苓光凝琥珀叢間童影潛人參霞屏烟藪有仙

隱蓬扉楮牖無塵侵繞庭清泉助湯液當簷脩
竹鏘球琳青龍甲乙書滿案山人長存濟世心
力扶衰朽除天閼藥籠生意春森上齊山之土
能活物齊山之雲能作霖先生之德與山等名
曰齊山人所欽白鶴相招來翠岑似憐晦迹眠
空林天風吹起檀袍襟幾車聲譽聞當今雲端
孤飛靈鳳翼枕上猶帶清猿音六朝故都佳麗
地騎馬踏遍秦淮淥官舍蕭閑杯酒斟卷有新
詩匣有琴囊探神劑奏工巧指按病脉詳浮沉
鐵冠相逢禮貌厚民仰司命情俱深時乎醫國

當有待功名從此來駿上齊山之吟雖止此上
言非子其誰任

送庸田僉事

庸田使者乘輅車閱得太史河渠書
姚江農民西引領庶幾來此吾其蘇傷心
今歲夏秋月并雨不降禾苗枯海潮東回
救不得老稚無異涸轍魚囊從官軍過
州境編戶奔走頓供需計畝歛錢築城去
後繁未見民力紓正逢稔歲亦饑餒遭此
乾暵窘室廬往年有詔甚寬厚恩澤至今
流海隅既蠲湖田主戶米亦減不深長蕩租

皇華光臨浙江左忍視瘡痍無完膚
曉霜方寒問道路冬雨未霽行泥塗
我願歲豐水旱無公賦早輸私有儲
國家富足民歡娛且免使者勤馳驅

次董參政送楊季常詩韻

總戎戡定稱雄豪帳下有客如枚臯
華端霜氣塞關口貌貅萬隊無譁囂
山環壁壘擁節旄民亦捍敵持弓刀
平生意氣感知已國步如此憂叨上
宰臣動喜片語褒兩眼如月鑒履操
燒原難畱狡兔穴海濤不撼游龍艘
人主當念閭外

勞不獨相業歸蕭曹時平班師拜闕下遙睇虎
豹天何高

題瀾瀾竹雀萱塘圖

為姚江王
國臣作

珍禽文采明金沙相顧似憐毛羽嘉託鄰喜傍
君子竹忘憂更有宜男花良工筆意何處好林
雀哺雛心使飽北堂畱得此圖看依舊春暉照
幽草

次韻畫松二首

為監邸
大木賦

鐵幹宛如韋偃筆誤令工匠施刀尺陰森黛色
千古深髣髴霜痕半天濕猿鶴清音恍在庭龍

虎白骨堅如石從知能事不易成畫水猶云日

踰十

社詩十日畫一水五日畫
一石能事不受相段迫

蒼標當入凌烟筆相去青天不盈尺獨持勁節
冬雪寒長帶恩光朝露濕迴枝忽變老蛟形託
根不向懸崖石按圖必求如此材待搆明堂價
增十

已上辭達集

壽詩

月當秋九屬陽數二九佳辰值初度乾龍神變
出長淮五岳生雲共環護海門躍起雷滿天大
魚長蛟相後先曉江浪濶一飛渡甘雨灑向東

南邊鍾山亦有龍蟠勢帝命控臨佳麗地滔
江漢作藩維吳楚諸峯挹蒼翠武臣拓境持節
鉞文士經邦佐功烈膝前羅拜豈尋常顆
珠是明月重九節後再逢九氣聚九陽開九有
老人星現酌北斗遙對中營獻天酒曾聞大椿
竒論自莊周八千歲為春八千歲為秋願公永
與椿相侔又聞瑤池有苑仙所植三千年開卷
三千年結實願公此苑頻得食更願招賢勲業
茂禮樂光華漢唐右撫育生民仁澤厚天長地
久南山壽

送沈竹泉并序

醫稱橘泉已疾菊泉延齡未聞以竹泉稱也論
竹者曰淇澳曰渭川唐六逸有竹溪夫竹託於
泉水之上滋養發榮翳為叢薄蔭乎流泉而泉
益清雅殊勝幽人潔士棲息覽遠助成高致醫
家濟物無恃乎此按瑞應圖曰竹裏有泉色白
自出飲之令人上壽嘗聞鄙人言山中產異竹
高十餘丈其徑盈尺截而為簞往者得泉甚其
山人亦多壽考余謂竹雖植物操堅節實貫四
時而不改應百歲而能有壽者之質焉中虛

而能容蘊函真氣冲和融液注為靈泉盈溢滲
漉嘉惠及人盖天地自然之神劑故沾其味者
躋於眉壽此固休祥而世不常有者醫之致用
神聖工巧驅五臟之病調六氣之痼務納人於
康寧以全其壽而已桐川沈景淵儒者也家以
醫傳六世聘至金陵遊於相府諸大帥之門療
治奇驗言論造理洞究病源自號竹泉然則沈
君不徒美其名而具夫竹泉之實其亦時之休
祥而世不常有者歟為賦竹泉之詩曰

吾聞鴻濛之野元氣厚產出異質為蒼筤千竿

活翠濕霄漢百年老節凌風霜腹中空洞含太
和釀成清泉深蘊藏朝陽幾度鳴鳳凰飛來梢
頭不得嘗忽然靈源難自秘流膏潔白生馨香
吾意此竹上摩天乳之星芒吸得甘露萬斛涼
下通體穴鍾陰陽時七挹注瓊瑤漿帝令昭蘇
下土民嚙嗽一勺消百殃赤龍運水一時下玉
嬰仰視朱吻張不待鉛汞九轉功挽回天闕成
康強滌腸洗髓清膏盲暑不煩渴寒不僵神全
氣爽欲輕舉三十六帝參翱翔沈君何為獨有
慕於此號為竹泉名姓芳平生雅抱君子操虛

心直節成文章活人陰功在天下如水潤物源
沅長狄公籠中生意遠昆蟲草木丹砂光東山
相望桐汭旁清溪碧繞琅玕房叩門急傳使者
至聘書來自中書堂紵袍飄上佳麗地戴笠出
入兵戎行相君英雄少許可揖而進之坐客床
掃清內病與外戎俱入丹丘不死鄉轅門晝靜
塵不揚相君留飲談收黃揮筆大寫竹泉字龍
鳳飛舞勢矯昂持來賓幕作佳話獨我才拙慙
諸郎先生不登名利場丹顏漆髮雙瞳方赤日
滿路歸計忙慈親應倚門閭望煩君更以竹泉

施八荒躋民壽域如虞唐

送孫別駕赴池陽

青蓮居士之後身音節連篇古樂府便從大雅
論正葩猗那為宗舜臯祖兩都三國差可數南
朝綺辭徒織組隔江玉樹夜無聲巖谷風生聞
嘯虎神交直到開元上光燄摩天出天語飄飄
雲海超八極金銀臺閣群仙侶忽聞帝遣熒惑
星火斧虹旗鎮南土來向轅門拜明主曉日麻
衣光楚上幕中慷慨坐談兵何況傳家有孫武
紫薇花下月滿池斗酒當筵珠玉吐朝政方勞

柱史記王袞正賴賢臣補人生會合苦不常驚
見屏星在門戶醉踏輕舟泝江去楊柳飛花望
牛渚兩崖烟霧濕天門九朵芙蓉照秋浦秋浦
郡縣待摩撫吏者師模民父母雖云官至刺史
榮半刺才能當獨步兵火瘡殘極哀苦仁惠存
心百廢舉襦袴歌騰歡鼓舞千里垂麻沐膏雨
勤敷治道追往古再見唐虞運當午挽河洗甲
天宇清坐聽絃歌響郟魯

送李鍊師還少微山并序

楚樵真逸養病于秦溪桐陰凝神冲寂求無為

之宗夕陽在戶聞有剝啄聲啓關視之有一童
子手玄錦靈篇致仙華君意曰平川鍊師仙李
之南梢也廬少微山游心于清虛窈冥晨望紫
氣頽霞起自龍虎之都岷波東環浩如蓬海躡
雲而來逍遙琳室日華月英流光內鼎道幾成
矣今將乘迴飈拍故壑飄七而南子曷宣祕趣
吐鏗辭聲其所懷清夜驂鸞俾得長歌雲漢間
滄溟揚塵尚與玉笈洞章宮啗舌上異時邂逅
鬱羅握手話及玉齒皓祭此其張本爾樵逸聞
仙華命豁然病釋喜色駸七頗恨不識平川莫

縈摹肖藤床晚臥想像高唐臨風浪然而唱曰
雲間蒼湖飛紫龍鼎煙光怪生芙蓉鐵鬚化作
綠玉叢仙都幻出天南峯倚嗟李下白髮翁神
交頓作玄上宗適聞鶴骨方兩瞳少微星窺冰
雪宵頗厭膝行訪崆峒喜與柱史仙源通黃芽
徹夜氣吐虹瓊鳥曉躡飛霞彤高翰掠過豹九
重清都樓闕浮瑤穹羽衣大會珠黍中璇車御
氣擿飛蓬玉姬為酌碧琳醲俯以三秀蒼玲瓏
鳳凰盤躑躅金鍾衆中凝瞻帝之容帝咲而言
未汝童紫陽雲錦開囊封右招金母左木公也

間稽顙青牛宮賜飲鮮瀨元氣充帝令下土尸
三蟲倒驅海水懸半空電光繞劍奔靈霄沛然
澤物頃刻功臥聽四野歌年豐石頭撐雲蟠鬱
葱大江萬里銀濤雄五城變現金碧融特來蔭
此千文松玄虎上奮鉛在鎔忽驚暗室光瞳矐
故隱竹石懷舊蹤平溪過雨摩青銅翩然鳴珮
嘉客從鶴背鐵笛橫秋風三天儻可一咲逢指
顧太始開鴻濛序內所謂仙華者宋君景濂自謂仙華道士也

送僧芳蘭谷住持明招寺

幽蘭之生在深谷不以無人而不芳鉢盂朝采

墜露飲青蓮蒼苔停馨香谷中空明若圓鏡
瀕環海日月光傲睨天台高鬱蒼五百癡衲巖
穴藏小乘留戀不死鄉何緣比肩大法王後代
演經談渺茫天蒼紛飛七寶牀遠窺正覺如望
洋伊誰面壁文字忘獨棲金華山滿房定中跌
坐歲月長聲音色相等妄幻自謂學佛非荒唐
冰壺石筍出雲漢飄然凌虛觀十方龍蟠法界
氣紫黃渡杯如電江聲涼偶然乞得袈裟地已
被東萊建道場東萊先隴在武義非為薦福主
天堂正緣人家有興廢寺觀經久願力疆金坊

寶閣鍾鼓震馬鬣肯使樵蘇傷我思儒門經濟
業發育萬物隨翕張存心養性禪所宗浩氣剛
大仙揣量空玄衍說元有自勸人作善來百祥
雖云離倫絕世故恃此禮樂扶綱常何必火書
廬其居然後鄒魯文教昌東萊雲車自天降撫
掌應咲吾言狂

送別

我思南漪不可見曾孫一朝來自宣問之云是
正甫子滿睚秋碧堆清漣黎公穎悟乃鼻祖以
字為氏百世傳玉堂學士瀛洲仙佩聲鳴向尺

五天驅辭不下瀧岡阡樓前驚倒陳龍川天門
夜開玄鶴去鑿坡冷落黃金蓮一家侯伯八九
輩封胡羯末仍駢肩雕刻烹龍炮鳳篇亦有氣
雄如馬遷自從兵革踰十年驚心文物晨星然
湖光樹色雲錦鮮明珠躍出驪龍淵薊丘高閣
繡蓉褥墨君動喜生風煙青女裁霜作輕袂下
馬長趨紫闥前是時江南漸平定土貢金帛豐
貨泉捧贖內府贊利權長官幸得鄉中賢薇苓
清露滴翠磚點染物態歸銀箋不待除書先掉
臂未霜楊柳迎溪船南湖竹石無恙否紅鰕紫

鯉不直錢雨晴晚林黃滿田醉呼疊嶂來詩筵

紀事

壬寅十月初五日陰雨傳空天未夕江城暖氣
驟蒸人蟬翼綃裳汗沾濕輕雷數聲生變化火
鼓轟山電流赤長颺西來吹海立飛雨驚鳴建
瓴急勢如萬騎怒衝擊對面相呼聽不得掩關
漸是一更時爍眼金虬破昏黑蓮花碧礎迸出
泉官市波濤湧三尺方當閉塞蟄蟲俯頓駭龍
蛇離窟宅怪得秋冬未降霜無乃天時有差忒
陽氣至此本潛藏叢泚深機不能密或占水旱

在來年消弭災異當循德須臾河漢現躔星天
地無聲本來疾小窓獨坐對殘燈尚有寒蛩語
空壁

十月初六日夜作

昨宵雷電送雨來今宵又聞天上雷紫電照窓
銀竹立初冬有此甚異哉天公仁慈萬物祖陰
慘陽舒時不誤年上秋半雷收聲何乃致此非
常怒上非其時太重復驚起昆蟲死平陸天發
殺機今見之正賴賢君調玉燭惕然省身思過
咎是日須書肆寬宥與民更始物維新和氣春

熙似靈囿天心警戒猶未已要在事上循天理
更以仁息蘇赤子天心轉移俄頃功化為瑞雪
年穀豐

病中友人寄詩遂以次韻

萬象變幻道是宗望而未見心有忡斯時講禮
聞戴聖西塾得師如馬融虛亭短燭風雨夜坐
久談論意氣雄鏗詞媚藻心所厭要使付物比
化工姑孰感客老將至喜持圭玷求磨礪病餘
恐是元氣劣絕與調理民瘼同何當躍入安樂
窩先天尚友太古風誰言群聖逝已遠天地上

下流渢上

已上知新近稿

陶學士先生文集卷之二

